

06 APR 1996

SELANGOR SOKONG ARAHAN KEBINET MENGENAI SYARAT BARU

SHAH ALAM, 6 April (Bernama) -- Kerajaan Selangor menyokong penuh arahan Kabinet yang menghendaki semua perancangan pembangunan bandar baru mengambil kira kepentingan persekitaran yang hijau dengan memperuntukkan sekurang-kurangnya 10 peratus kawasan lapang bagi mengelak banjir kilat.

Menteri Besar, Tan Sri Muhammad Haji Muhamad Taib berkata Kerajaan Negeri sambil menyokong arahan Kabinet itu akan mengarahkan semua pihak berkuasa tempatan mematuhi.

"Pihak berkuasa tempatan akan diarah mengenakan syarat baru itu terhadap para pemaju yang membangunkan sesuatu kawasan," katanya ketika diminta mengulas arahan Kabinet itu yang diumumkan oleh Perdana Menteri, Datuk Seri Dr Mahathir Mohamad semalam.

Muhammad sebelum itu merasmikan sambutan Hari Ikatan Relawan Rakyat (Rela) di sini.

Mahathir berkata kolam air dan kawasan lapang yang ditanam dengan rumput dan pokok perlu untuk membolehkan air hujan menyerap terus ke tanah dan dapat mengelak banjir kilat dari berlaku. -- BERNAMA.

KM OBA.